



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. V. An ex eo quòd Deus aliquid in tempore velle inciperet, vel à libera
voluntate desisteret, physica mutatio inferrentur in illo?

[urn:nbn:de:hbz:466:1-77232](#)

DISPUTATIO TERTIA

perfectionis seu actualitatis defectum argueret, ut suprà dicebamus, ex nullo capite concepi potest talis terminationis necessitas.

Ad secundam probationem desumptam ex ideis in mente divina existentibus, respondeo esse etiam disparem rationem: cum enim Deus in cognoscendo se, non sit liber, sed necessitus, etiam necessitatibus ad cognoscendam imitabilitatem suæ essentiaæ à creaturis; ac proinde suam essentiam, in ratione idæ & exemplaris omnium rerum possibilium: è contra vero, cùm in volendo creaturas sit summè liber, ad perfectionem ipsius pertinet, posse manere suspensum circa illarum futuritionem, aut non futuritionem, & posse omittere omnem terminationem ad illas.

ARTICVLVS V.

An ex eo quod Deus aliquid in tempore velle inciperet, vel à libera voluntate desisteret, physica mutatio inferretur in illo?

148. Ratio dubitandi, eaque non levis, sumitur ex principiis supra art. 2. statutis, agendo de constitutivo divini decreti. Nam, ut ibidem ostendimus, liberum Dei decretum consistit in terminatione intrinseca, indefectibili sub conceptu entitatis, & defectibili solum sub conceptu terminationis: Sed ex nova terminatione divinae voluntatis ad creaturas, non sequitur mutatio physica in Deo; quia, ut ibidem ostendimus, ad physicam mutationem requiritur transitus de non esse ad esse, seu de esse ad non esse formæ intrinsecæ: Ergo ex eo quod novum aliquod decretum in tempore Deo adveniret, non sequeretur illum physicæ mutati.

149. Confirmatur: Deus absque physica mutatione potest in tempore denominationem creantis subire, quamvis ista denominatio intrinseca sit, ut communiter docent nostri Thomista: Ergo similiter, quamvis denominatio liberè volentis sit Deo intrinseca, poterit tamen illam absque physica mutatione de novo in tempore suscipere. His tamen non obstantibus.

150. Dico: Ex eo quod Deus aliquid in tempore velle inciperet, aut à libera voluntate desisteret, sequeretur physica mutatio in illo, ac proinde ex immutabilitate divina rectè infertur, non posse libera Dei decreta variari. Est contra Suarez disp. 30. Metaph. sec. 4. & alios modernos, existimantes ex temporali variatione decretorum in Deo, non sequi physicam ejus mutationem, sed duntaxat moralem. Quia, inquiunt, cùm divina voluntas ab æterno non potuerit manere suspensa, sed se determinaverit per positivum decretum, ad volitionem vel nolitionem omnium rerum possibilium; si in tempore aliquid de novo velle inciperet, quod ab æterno noluerat, vel nolle quod voluerat; hoc argueret in illo aliquam inconstantiam, quæ est imperfectio, & mutatio moralis, Deo repugnans. Est etiam contra Molinam supra qu. 14. art. 15. ubi ait, non ideo repugnare quod Deus aliquid in tempore velle incipiat, quod illi adveniret aliqua physica mutatio, sed quia sequeretur in eo vicissitudinis obumbratio, quæ non minus quam mutatio physica, divina naturæ repugnat: juxta illud Jacobi 1.
Apud quem non est transmutatio, nec vicissitudinis obumbratio.

151. Nostra tamen conclusio communis est apud

A Thomistas, eamque docuit Angelicus Doctor 1. contra Gent. cap. 86. de verit. qu. 23. art. 4. ad. & in hac qu. art. 2. in quibus locis, & alibi sape, docet Deum ex necessitate velle creatures, non absolutè, sed ex suppositione, ratione suæ immutabilitatis. Et art. 7. ex immutabilitate Dei colligit non posse Dei voluntatem incipere velle in tempore. Quà etiam ratione utitur D. Augustinus lib. 12. Confess. cap. 5.

Probatur ergo conclusio ratione D. Thomæ 152.

hic art. 7. ad hanc formam redacta. Quod voluntas divina incipiat aliquando velle de novo, aut à volitione desistat, solum provenire potest, vel ex hoc quod incipiat sibi esse conveniens & bonum, quod bonum & conveniens non erat, vel ex hoc quod de novo ut bonum cognoscatur, quod prius ut tale non cognoscet: primum arguit physicam mutationem in divina substantia, secundum in ejus cognitione: Ergo sequitur physica mutatio in Deo, ex eo quod aliquid incipiatur in tempore velle, aut à libera volitione desistat. Major ex eo videtur certa, quod voluntas versatur circa bonum cognitum tanquam circa proprium objectum: Ergo novitas volitionis, aut ex boni novitate, aut ex novitate cognitionis ejus debet provenire. Minor pro secunda parte supponitur ex dictis in Tractatu de scientia Dei: pro prima vero illam explicat, & ostendit D. Thomas exemplè illius cui incipit esse conveniens ad ignem sedere, cùm tamen prius inconveniens esset; quod non aliunde provenit, nisi quia mutatus est de calido in frigidum. Homini etiam irato, bona videtur inimici vindicta, cui tamen jam pacato, inconveniens appetit.

Respondeo Suarez ubi suprà, falsam esse Majorem, nec in illa numerari omnes causas ob quas potest voluntas incipere velle quod antea nollebat, vel nolle quod volebat: potest enim id contingere ratione libertatis, bono invariato, & cognitione illius; ut contingit in nobis, qui bono cognito, & voluntati proposito, possumus ratione libertatis illud amare vel non amare.

Sed contra: Licet imprudens voluntatis mutatio (qualis in nobis sape contingit) absque novitate boni, & cognitionis ejus possit evenire, illa tamen qua secundum prudentiam debet fieri, non nisi bono, aut illius cognitione variatis, potest contingere: Ergo supposita, ut debet supponi, summa Dei prudentia in volendo, omnes causas assumptis D. Thomas; & consequenter ex variatione decretorum in Deo, recte intulit physicam ejus mutationem.

Secundo probatur conclusio alia ratione fundamentali. Ut denominatio liberè volentis incipiat de novo, necessario requiritur, aut variatio intrinseca in entitate voluntatis divinae, aut novitas & variatio in objecto: Atqui in objecto volitionis liberæ, prout est objectum ejus, nequit esse novitas, aut variatio in tempore: Ergo necessariò requiritur variatio intrinseca in entitate liberae volitionis. Major videtur certa, Minor autem suadetur primò: Bonitas creata non terminat volitionem divinam, ut existens in propria mensura, sed ut existens in æternitate: At ut in æternitate contenta, nullam accipit variationem aut successionem; cùm æternitas sit invariabilis & tota simul, ut ostendimus in Tractatu de scientia Dei: Ergo ut objectum volitionis divinae, nullius variationis est capax. Secundo, bonitas creata est objectum volitionis liberæ,

ut cognita à Deo : Atqui omnis bonitas creata in tempore existens, ab aeterno est cognita à Deo, nec potest in tempore de novo cognosci, ut paulo ante dicebamus : Ergo ut est objectum volitionis Dei libera, nequit variationem suscipere.

156. Tertio suaderi potest conclusio, impugnando sententiam Adversariorum : Nam modus dicendi Sunt falsi vel dubio nititur principio, ut constat ex dictis articulo precedenti, ubi ostendimus valde probabile esse, voluntate divinam ab omni actu libero potuisse manere suspensam. Molina etiam absque fundamento inter mutationem, & vicissitudinis obumbrationem distinguit, cum pro eodem accipiatur a SS. Patribus, ut constat ex D. Gregorio lib. 12. Moral. cap. 17. ubi pondens verba illa Jacobi 1. Apud quem non est transmutatio, nec vicissitudinis obumbratio, ait: *Ipsa enim mutabilitas umbra est, que quasi Dei obscuraret lucem, si hanc per alias vicissitudines permutteraret, sed quia in Deo mutabilitas non venit, nulla ejus lumen umbra vicissitudinis intercidit.* Ergo &c.

157. Ex dictis patet responsio ad rationem dubitan- di initio propositam: dupliciter enim ad illam responderi potest. Primo juxta primam rationem D. Thomae, distinguendo Minorem: ex nova terminacione ad creaturas, non sequitur physica mutatio, a priori, & tanquam ex forma immu- tante, concedo Minorem: a posteriori, & ar- guitivè, ratione illius quod presupponit, nego Minorem, & Consequentiam. Itaque juxta hanc solutionem, ex eo quod in tempore Deus velle inciperet, non inferretur physica mutatio, quæ per decretum fiat tanquam per formam immu- tante, sed quæ presupponatur necessariò facta, vel in substantia, vel in cognitione divina. Cum enim, ut suprà arguebamus, divina voluntatis mutatio fieri non possit, nisi vel ex eo quod ob- jectum incipiat esse bonum, vel incipiat ut tale cog- nisci, & neutrū possit de novo contingere, ab- que physica mutatione; hinc est quod ex variatio- ne decreti in tempore, inferatur physica mutatio in Deo; non a priori, & qua fieri debeat per de- cretum, ut formam immutantem, sed a posteriori, & ratione illius quod ad mutationem pruden- tem decreti debet necessariò supponi.

158. Secundò responderi potest, consequenter ad secundam rationem, negando Minorem; quia non stat in tempore supperaddi de novo divina voluntati terminacionem liberam, sub conceptu terminacionis, nisi insuper ei addatur nova actualitas, & consequenter nisi mutetur physice. Rationem suprà adduximus, quia nempe terminatio libera ad creaturas, nequit incipere in tempore in voluntate divina, nisi vel ad novitatem objecti, vel ad variationem entitatis actus: cùmque in ob- jecto nequeat esse novitas, quia terminat prout in aeternitate contentum, in qua nulla est variatio vel successio, consequens fit quod debeat neces- sario intercedere novitas in entitate actus, ut in tempore incipiat in Deo libera terminatio ad creaturas.

159. Ex quo patet responsio ad confirmationem, concessio enim Antecedente, neganda est Con- sequentia, & paritas. Rario discriminis est, quia de- nominatio creatrix sumitur ab actu voluntatis vel intellectu divini, ut actualiter transeunte, & connotante objectum, prout in propria mensura existens: cùm autem objectum, prout in propria mensura, incipiat in tempore, consequens fit quod absque novitate in entitate actus, possit de-

Tom. I.

A nominatio illa in tempore incipere. Denomina- tio autem liberè volentis, non connotat objectum prout in propria duratione, sed prout in mensura aeternitatis contentum, in quo prout sic novitas esse nequit; ac proinde nec denominatio volentis de novo, nisi entitas actus in scipia varietur.

DISPUTATIO IV.

De Voluntate Dei Antecedente & Consequente.

B Elebris est divisio voluntatis Dei in Ante- cedente & Consequente, quam Theo- logi à Damasco, qui primus eam in Scholas induxit, accepunt; & circa illam plures occurunt difficultates, & graves controver- sias, quæ his temporibus inter Thomistas & Mo- dernos agitari solent, & quas sequentibus arti- culis exactè discutiemus, ac resolvemus.

ARTICULUS PRIMUS.

*Quid sit voluntas antecedens & consequens,
benepacit & signis?*

§. I.

Prima pars questi resolvitur.

C Icet omnes Theologi unanimi consensu hanc divisionem recipiant cum D. Thoma hic art. 6. ad 1. illam tamen eodem modo non expli- cant, nec intelligunt. Molina enim, Vazquez, Lessius, & alij Recentiores communiter, docent voluntatem illam in Deo dici antecedentem, quæ antecedit nostrum consensum, & prævisio- nem meritorum, vel demeritorum: consequen- tem verò, illam quæ supponit consensum liberi arbitrij, & præscientiam meritorum vel demeritorum. Thomistæ autem cum S. Doctore existi- mant, voluntatem antecedentem esse illam, quæ aliquid amatur consideratum solum secundum se, & ut præsum à circumstantiis, cum quibus po- nitur à parte rei. Consequentem verò illam quæ terminatur ad res secundum omnes circumstan- tias in particulari, ut in executione, & à parte rei ponendas.

Dico ergo primo: voluntatem Dei non dici ante- cedentem, ex eo quod antecedit consensum nostrum, aut præscientiam meritorum, vel demeritorum; & consequentem ex eo quod con- sensum, & merita aut demerita voluntatis humana, ut à Deo prævisa supponat.

E Probatur prima pars: Cùm voluntas Dei con- sequens sit efficax, & causa nostri consensus, ut ostendemus disputatione sequenti, illum ante- cedit, prioritate saltem nature & causalitatis; nam omnis causa est hoc saltem modo prior suo effectu: unde si voluntas Dei diceretur ante- cedens, ex eo quod nostrum consensum, & liberam nostram voluntatis determinationem antecederat, voluntas Dei efficax, & consequens, deberet etiam vocari antecedens, & sic membra hujus divisionis confunderentur: At hoc non est dicen- dum: Ergo nec illud.

Confirmatur efficaciter: Voluntas illa ante- cedens, ex D. Thoma, est voluntas solum secun- dum quid, & inefficax, sive velleitas quædam, ut

FFF ij